

玉錄大齋第二日午朝儀

各禮師存念如法

黃中策炁斬妖滅蹤 制遏邪踪 斷截魔宗  
太上符命 召制神公 萬神斯格 却禍除凶  
五炁三輪 洞達真風 紫戶合瓊 六度無終  
左命青腰 右攝芝童 道遠飄景 總御九空  
玄壇應機 乘元虛帥 萬真普降 濟度無窮

發爐 同早

請稱法位

具位 與臨壇官衆等謹同誠上啓

虛元自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上保上傳大  
平下教二十四真人西城惣真王君太乙真  
人東嶽上卿司令茅君定錄保命二真人名  
山洞府得道神仙三界官屬一切真靈  
臣聞五度凝精已兆丹光之祖三陽隱妙難

窮陪劫之先虛廓無形幽察固象結梵靈之  
元炁開神運於赤明敷落五篇彌羅萬範靈  
寶出金書之典鳳曆疏通洞玄垂玉宇之芒  
龍文安鎮度人无量保天長存臣等忝紹仙  
宗叨承正一之朱英而襲慶誦詠瓊音傳符  
籙於名山遵修寶範凡有所啓敢不上聞齋  
意青詞謹當宣奏

宣詞

具如詞言不達懇款恩惟大道分別哀祈

臣聞太極金書飛二景玄真之寶紫霞玉彩  
流九霄神境之光龍躍虎躡鳳翔鸞舞臣等  
畫接真靈午臨壇墀陽晶麗正剛圭景以方  
中華曜舒光瞻丹輪而未昇引法界虛无之  
聖聚靈風鬱勃之烟恭假香傳奏修齋直以  
今中分行道請法衆等運茲初檢上香  
願此香烟騰空徑上供養  
虛元至真自然大道元始天尊願以是檢香  
功德上祝  
當今皇帝聖壽無疆伏願永御九重備曆五  
福垂衣致治長臨南面之朝居正體元鴻拱

北辰之所履

至專而久視保榮祚以無疆

帝命日新神基天峻克綏四海丕演萬年今  
故燒香自皈依道尊大聖衆至真之德得道  
之後祈天長存

臣聞金闕玉房儲寶笈琅函之秘經臺朱圓  
顯靈章霞裏之祥光煥九天芒垂八角以今  
中分行道請法衆等運茲二檢上香

願此香烟騰空徑上供養

玉晨至聖自然靈寶大道天尊願以是檢香

功德上資

國梓宗枝伏願四塞向風諸藩慕義梯山航  
海皆為入貢之臣文趾雕題盡効來朝之職  
極乾坤之覆載窮日月之照臨冠帶百蠻車  
書一軌咸臻安靜各遂生成今故燒香自皈  
依經尊大聖衆至真之德得道之後昇入無  
形  
臣聞元始開圖妙剖陰陽之本元綱統演  
明生成造化之源難終難窮莫名莫測以今  
中分行道請法衆等運茲三檢上香

願此香烟騰空徑上供養

混元大聖自然化主道德天尊願以是檢香功德上資

助薦神靈伏願鍊炁無英回靈鑄樂黃華湯質俾臟腑之清涼紫戶生仙總形神而整具

參帝真而結命慶玉女以薩香探入飛空起離舊與攝召長夜開度受生今故燒香自皈依師專大聖眾至真之德得道之後昇入無形

懺悔 三啓 三禮

重稱法位

具位 與臨壇官眾等謹同誠上啓

三清至尊十方上聖玉京金闕天帝天真十方師尊聖眾三界官屬一切咸靈

臣聞五帝朝真整精修於五體十天降命咸

普度於十回臣等宿應玄圖奉承真誥所宜

步太霞而泛景瀟朝九霄御白日以登晨飛

形三景自受丹書之啓誓獲傳黃素之威章

不負初心仰弘大教欽承詞旨謹為典行伏

慮孤魂滯魄自從宿世以及今身舉意故為

勤惰悞犯未能持身不益損已為差嗜利無

厭赤守固窮之志臨財苟取不明見得之思

或閉本於已實或侵攘於他物自求豐殖固

恤困窮既幸推義之心實負保真之戒恐成

愆對未卜升沉又慮恣迷貪累以苦形展轉

塵勞而忘本禍招德劫罪積為端或沉淪於

泉曲河際未出離於寒庭陰境析真大道請

命至真冀超黑壤之拘囚是仗玄都之開宥

伏願恩覃十極澤被萬方赤龍飛負於寶章

丹鳳驛傳於青籙命魔三界宣救九門金簡

玉符普開明於長夜朱書紫策下超度於重

陰又乞三天師恩玄中教主召靈官於三洞

勅據吏於九泉及召四始三元二十八始符

章曹局監察官君五嶽神司九州社令持符

符赦告下冥曹攝召亡魂齊到帝所諱宣九

過慶東向以受生普度十回升南宮而鍊質

- |         |         |
|---------|---------|
| 一願恩覃宇宙  | 二願澤被幽明  |
| 三願青華度命  | 四願玉簡開局  |
| 五願神真降形  | 六願壇陸通靈  |
| 七願亡魂返妙  | 八願滯魄超升  |
| 九願四司稟教  | 十願五帝監生  |
| 十一願靈光下燭 | 十二願功果咸成 |
- 復爐朝早
- 玉籙大齋第二日午朝儀